



Broj: 101-1- 968 /26

Datum: 5.3.2026.

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-916/26 od 3.3.2026. godine, rektorica Univerziteta „Džemal Bijedić“ u Mostaru donosi

## ODLUKU

### **o izboru najpovoljnijeg ponuđača u postupku javne nabavke „Nabavka i ugradnja PVC vrata za potrebe Studentskog doma Antalija“**

#### I

Prihvata se preporuka Komisije za javnu nabavku u postupku javne nabavke PVC vrata za potrebe Studentskog doma Antalija, broj: 170-916/26 od 3.3.2026. godine, i ugovor o nabavci se dodjeljuje ponuđaču **„ŽALUZINE STYLE“ d.o.o. Zenica**, Zmaja Od Bosne bb, 72 000 Zenica u skladu s ponudom broj: 26-0087 od 20.2.2026. godine.

#### II

Ugovor o nabavci se dodjeljuje ponuđaču iz tačke I ove Odluke, sa ukupnom cijenom u iznosu od 13.999,00 KM bez PDV-a, nakon održane e-aukcije.

#### III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 4 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

#### IV

U slučaju da na odluku o dodjeli ugovora u ovom postupku nabavke ne bude žalbe, ugovorni organ će zaključiti ugovor s najpovoljnijim ponuđačem u roku od 10 (deset) dana od dana obavještanja učesnika postupka o izboru najpovoljnijeg ponuđača, sve u skladu sa članom 98. stav 5) Zakona o javnim nabavkama.

#### V

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).



## VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).

### Obrazloženje

Odlukom broj: 101-1-531/26 od 5.2.2026. godine pokrenut je postupak javne nabavke i ugradnje PVC vrata za potrebe Studentskog doma Antalija, putem konkurentskog zahtjeva za dostavljanje ponuda. U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 23.000,00 KM. Obavještenje o nabavci broj: 66-7-1-32-3-20 objavljeno je na portalu javnih nabavki dana 10.2.2026. godine zajedno sa Tenderskom dokumentacijom broj: 101-1-585/26 od 10.2.2026.

U skladu sa Tenderskom dokumentacijom i obavještenjem o nabavci dana 24.02.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (24.02.2026. godine do 9:30 sati) zaprimljeno je 7 (sedam) ponuda kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-725/26	TEMPO PLAST d.o.o. Srebrenik	20.2.2026. u 8:50h
2.	180-741/26	MEGA-ROLL d.o.o. Gračanica	23.2.2026. u 9:00 h
3.	180-742/26	ŽALUZINE STYLE d.o.o. Zenica	23.2.2026. u 9:00 h
4.	180-743/26	YAVUZ COMPANY d.o.o. Srebrenik	23.2.2026. u 9:00 h
5.	180-745/26	HDI d.o.o. Sarajevo	23.2.2026. u 10:17h
6.	180-757/26	G.D. KONSTRUKCIJE d.o.o. Mostar	24.2.2026. u 8:42h
7.	180-760/26	GRADNJA d.o.o. Mostar	24.2.2026. u 9:06h

Nakon izvršenog pregleda ponuda, Komisija je jednoglasno konstatovala sljedeće:

**Ponuda ponuđača TEMPO PLAST d.o.o. Srebrenik je ocijenjena kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačka i) Zakona o javnim nabavkama BiH.**

Ugovorni organ je tačkom 16.2. Tenderske dokumentacije u predmetnom postupku u svrhu dokazivanja tehničke i profesionalne sposobnosti, zahtijevao dostavljanje sljedeće dokumentacije: a) spisak izvršenih ugovora i potvrde o uredno izvršenim ugovorima, i b) tehnička specifikacija ponuđene robe.

Ponuđač TEMPO PLAST D.O.O. Srebrenik u svojoj ponudi nije uopće dostavio tehničku specifikaciju ponuđene robe, na način definisan tačkom 16.2.b) Tenderske dokumentacije.

Nadalje, ponuđač je u ponudi dostavio Potvrdu o uredno izvršenom ugovoru na projektu „Nabavka radova na adaptaciji/rekonstrukciji klinike za ginekologiju i akušerstvo za potrebe javne zdravstvene ustanove Univerzitetski klinički centar Tuzla“ koju je izdao



ELEKTROCENTAR PETEK d.o.o. Tuzla. Na osnovu dostavljenog Ugovora o nabavci radova (str. 23-26 ponude ponuđača), vidljivo je da je ponuđač „TEMPO PLAST“ d.o.o. u predmetnom postupku bio angažovan kao podugovarač, što nije sporno, međutim u tom slučaju je trebao dostaviti potvrdu od Ugovornog organa, odnosno JZU Univerzitetski klinički centar Tuzla.

Tenderskom dokumentacijom definisano je sljedeće: „U slučaju da je ponuđač bio podugovarač prilikom izvršenja ugovora, neće se prihvatiti potvrda od glavnog ponuđača za realizaciju ugovora, nego jedino od Ugovornog organa.“

Ponuđači su dužni, u skladu sa članom 57. stav (1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, ponuda je odbačena jer nije potpuna i ne ispunjava zahtjeve iz tenderske dokumentacije.

**Ponuda ponuđača MEGA-ROLL d.o.o. Gračanica je ocijenjena kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačka i) Zakona o javnim nabavkama BiH.**

Ugovorni organ je tačkom 30. Tenderske dokumentacije u predmetnom postupku propisao da ponude moraju važiti 60 (šezdeset) dana, računajući od isteka roka za podnošenje ponuda. Ponuđač MEGA-ROLL d.o.o. Gračanica je na str. 2 svoje ponude broj: 03-03/2026, u tački 5. Obrasca za ponudu (Aneks 1) naveo da ponuda važi do 24.04.2026. godine, što je 59 dana od dana isteka roka za podnošenje ponuda. Istom tačkom Tenderske dokumentacije je propisano da u slučaju da je period važenja ponude kraći od perioda navedenog u Tenderskoj dokumentaciji, ugovorni organ će odbiti takvu ponudu.

Članom 60. stav (1) Zakona o javnim nabavkama navedeno je sljedeće: „Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji...“

Komisija se u svom radu pored zakonskih i podzakonskih odredbi, pozvala i na noviju praksu Ureda za razmatranje žalbi BiH, a vezano za istu problematiku, Rješenje broj: JN2-01-07-1-532-6/25 od 11.4.2025. godine.

Nadalje, Ugovorni organ je tačkom 16.2. Tenderske dokumentacije u predmetnom postupku u svrhu dokazivanja tehničke i profesionalne sposobnosti, zahtijevao dostavljanje, između ostalog, sljedeće dokumentacije b) tehnička specifikacija ponuđene robe.

Ponuđač MEGA-ROLL d.o.o. Gračanica u svojoj ponudi nije uopće dostavio tehničku specifikaciju ponuđene robe, na način definisan tačkom 16.2.b) Tenderske dokumentacije, a kako bi se moglo utvrditi da li ponuđena roba ispunjava tražene tehničke karakteristike.

Ponuđači su dužni, u skladu sa članom 57. stav (1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, ponuda je odbačena jer nije potpuna i ne ispunjava zahtjeve iz tenderske dokumentacije.



Ponuda ponuđača **ŽALUZINE STYLE d.o.o. Zenica** je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 23.000,00 KM bez PDV-a. Ponuđač nije dao popust na cijenu.

Ponuda ponuđača **YAVUZ COMPANY d.o.o. Srebrenik** je ocijenjena kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačka i) Zakona o javnim nabavkama BiH.

Ugovorni organ je tačkom 30. Tenderske dokumentacije u predmetnom postupku propisao da ponude moraju važiti 60 (šezdeset) dana, računajući od isteka roka za podnošenje ponuda. Ponuđač YAVUZ COMPANY d.o.o. Srebrenik je na str. 3 svoje ponude broj: 10-02/26, u tački 5. Obrasca za ponudu (Aneks 1) naveo da ponuda važi do 24.04.2026. godine, što je 59 dana od dana isteka roka za podnošenje ponuda. Istom tačkom Tenderske dokumentacije je propisano da u slučaju da je period važenja ponude kraći od perioda navedenog u Tenderskoj dokumentaciji, ugovorni organ će odbiti takvu ponudu.

Članom 60. stav (1) Zakona o javnim nabavkama navedeno je sljedeće: „Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji...“

Komisija se u svom radu pored zakonskih i podzakonskih odredbi, pozvala i na noviju praksu Ureda za razmatranje žalbi BiH, a vezano za istu problematiku, Rješenje broj: JN2-01-07-1-532-6/25 od 11.4.2025. godine.

Proizvod koji je ponudio ponuđač ne odgovara traženoj minimalnoj tehničkoj specifikaciji iz sljedećih razloga:

- Ugovorni organ je u tehničkoj specifikaciji između ostalog, propisao da minimalna zvučna izolacija za PVC vrata treba da iznosi  $R_w \geq 33$  dB, dok je ponuđač ponudio proizvod koji ima zvučnu izolaciju ispod tražene, odnosno na par mjesta u ponudi su prikazane različite vrijednosti. Na str. 37 ponude zvučna izolacija iznosi 32 dB, dok na str. 68 iznosi 25,6 dB. Shodno navedenom, ponuda ne ispunjava minimalne uslove zvučne izolacije propisane tehničkom specifikacijom, što predstavlja osnov za odbacivanje ponude kao neprihvatljive.

Ponuđači su dužni, u skladu sa članom 57. stav (1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, ponuda je odbačena jer nije potpuna i ne ispunjava zahtjeve iz tenderske dokumentacije.

Ponuda ponuđača **HDI d.o.o. Sarajevo** je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.



Ukupna cijena ponude iznosi 23.000,00 KM bez PDV-a. Ponuđač nije dao popust na cijenu.

**Ponuda ponuđača G.D. KONSTRUKCIJE d.o.o. Mostar je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.**

Ukupna cijena ponude iznosi 22.990,00 KM bez PDV-a. Ponuđač nije dao popust na cijenu.

**Ponuda ponuđača GRADNJA d.o.o. Mostar je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.**

Ukupna cijena ponude iznosi 23.000,00 KM bez PDV-a. Ponuđač nije dao popust na cijenu.

Nije bilo osnova za ispravku računskih grešaka u kompletnim i prihvatljivim ponudama.

Tačkom 28. Tenderske dokumentacije bilo je predviđeno održavanje e-aukcije te je nakon provedenog postupka e-aukcije, u skladu s Izvještajem o toku i završetku e-aukcije od 3.3.2026. godine, utvrđena konačna rang lista ponuđača kako slijedi:

1. „**ŽALUZINE STYLE**“ d.o.o. Zenica s ukupnom cijenom ponude u iznosu od 13.999,00 KM bez PDV-a,
2. „**HDI**“ d.o.o. Sarajevo s ukupnom cijenom ponude u iznosu od 14.000,00 KM bez PDV-a.
3. „**GRADNJA**“ d.o.o. Mostar s ukupnom cijenom ponude u iznosu od 19.950,00 KM bez PDV-a.
4. „**G.D. KONSTRUKCIJE**“ d.o.o. Mostar s ukupnom cijenom ponude u iznosu od 21.500,00 KM bez PDV-a.

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci i ugradnji PVC vrata, dodijeli ponuđaču „**ŽALUZINE STYLE**“ d.o.o. Zenica sa ukupnom cijenom ponude u iznosu od **13.999,00 KM bez PDV-a**. Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.

Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-108. Zakona o javnim nabavkama BiH.

REKTORICA

prof. dr. Alena Huseinbegović

**Dostaviti:**

1. TEMPO PLAST D.O.O. Srebrenik
2. MEGA-ROLL d.o.o. Gračanica
3. ŽALUZINE STYLE D.O.O Zenica
4. YAVUZ COMPANY D.O.O. Srebrenik
5. HDI d.o.o. Sarajevo
6. G.D. KONSTRUKCIJE d.o.o. Mostar
7. GRADNJA d.o.o. Mostar
8. U predmet
9. a/a